

開士比丘衆當有限某開士比丘衆當無限
某開士得無上正真之道成最正覺以衆開
士爲僧某開士得爲佛時無開士衆某開士
當以勤苦行成某開士當以安隱行成某開
士當究竟終始窮盡某開士不究竟終始窮
盡某開士當坐道場樹下某開士不坐道場

德法皆悉解了聲聞法緣覺法開士法是故
舍利弗得平等心至斯行者則便救攝一切
諸法當覺智慧度無極智慧度無極是五眼
之親母也開士大士學是五眼以逮得無上
正真之道成最正覺

延聖院比丘清滿書

光讚般若波羅蜜經卷第二 河二

樹下某開士當有魔試某開士無魔試某開
士如是舍利弗是爲開士大士法眼淨舍利
弗白佛言云何開士大士佛眼淨佛告舍利
弗開士大士所用因與無上道意金剛之喻
三昧正受具足一切諸通慧如來十力四無
所畏四分別辯十八不共諸佛之法大慈大
悲至于開士大士眼普達一切佛法於一切
佛法無所不見無所不聞無有限量無所不通
是舍利弗開士大士達得無上正真之道

光讚般若波羅蜜經卷第三 河三

西晉三藏法師竺法護譯

行空品第三之下

佛告舍利弗或有開士大士修於神通至度
成最正覺時乃能具足得佛眼淨佛告舍利
弗如是開士大士欲得五眼當奉行六度無
極所以者何是故六度無極皆入一切諸善

山陵嵩高越之無礙知虛空中水品流行處爲雲氣譬如飛鳥遊行空中出入于地出無間入于孔譬如入水履行水上其猶如地身出炎光猶如大火此諸日月光明威神巍巍難及則以手掌捫其日月而捉光明猶得自在身到梵天不以神足而自貢高竟不憮恣亦無所念其神足亦無所得亦無憇逸起亦無所想亦無念者興自然空自然空者則爲寂寘其自然者亦無所起又如斯者不發神足及神足行唯以專思諸通慧事是開士智度無極神足證慧神足所由佛告舍利弗其開士大士淨於天耳越天人耳得聞一一音諸天人聲亦不想念天耳之種不作是念我聞其聲亦無所得自然之空自然寂寘其自然者則無所起亦無所得亦無所念亦不自念我得天耳唯以志於諸通事開士大士是爲行智慧度無極天耳證慧神通之行佛告舍利弗其開士大士則知他人衆生心念虛實所趣

有欲心無欲心有欲想無欲想瞋恚心瞋恚想離瞋恚心離瞋恚想愚癡心愚癡想離愚癡心離愚癡想有思愛心離思愛心有所受無所受若舉若下卒暴心安詳心若大心若小心若定心若不定心若脫心若不脫心其彼心汙染甫當汙染其心染想甫當染想如審曉了分別虛實有無上心念於無上亦無所念亦無所想所以者何是諸心無心所由起諸心無想念則優憶念徃古遊居慧所證明所以神通遊於居慧所證明所以神通以此御之一心念識百日事百月事百歲事一劫百劫無鞅數劫無數百劫無數千劫無鞅數億百千妓參識念本之所在處某字爲某種姓爲某所生如斯飲食亦然久住如此壽命長短苦樂善惡從彼終沒生於某處此衆此生彼所說如是能識念無鞅數過去遊居亦不想念所獲神通佛語舍利弗開士大士智慧度無極能如是者則爲識念徃古遊居神

河

光讚三

通明證之慧是爲神通慧行佛告舍利弗其開士大士則以天眼覩於衆生生死終始善根惡根禍福善惡趣安趣苦微妙瑕穢由其所作悉了知之其可愍之了身行惡口言惡心念惡具足惡行誹謗賢聖奉於邪見以此緣故碎身壽命趣于懲苦墮于地獄此仁賢等衆生之類其身行善口言善心念善衆行具足不謗賢聖奉遵正見緣此行故碎身壽終趣于安隱昇生天上覩見八方上下可愍之了身行惡口言惡心念惡具足惡行誹謗賢聖奉於邪見以此緣故碎身壽命趣于懲苦墮地獄此仁賢等衆生之類其身行善口言善心念善衆行具足不謗賢聖奉遵正見緣此行故碎身壽終趣于安隱昇生天上覩見八方上下神通已達皆然覩見十方無有蔽礙佛告舍利弗開士大士有念一日百日一歲百歲一劫百劫千劫萬劫億劫無鞅數劫無鞅數憶憶百千劫至于無

限十方世界諸佛國土所念無量不可稱限心無蔽礙是爲開士大士知他人心所念徃古遊居神通明證之慧神通慧行佛告舍利弗開士大士自知身所從來一生百生千生方億生無鞅數億生一劫百劫千劫万劫億劫無數億劫善惡禍福善惡所趣父母兄弟宗室妻子勢貴富樂貧賤困苦愚智窮達名字種姓是爲開士大士自知身所從來徃古遊居神通明證之慧神通慧行五道自然覩見十方無有蔽礙佛告舍利弗開士大士有漏盡慧證神通爲達不墮聲聞緣覺地亦不想念他異之法亦不想念我達得無上正真之道成最正覺亦不以漏盡之慧神通之慧爲慳逸念設如來十力四無所畏四分別辯十八不共諸佛之法解十二因緣無根本三十七品無端緒敎化一切如是舍利弗開士大士智慧度無極爲具足神通已能具足則有長益達得無上正真之道爲最正覺佛告

河

光讚三

三

秀

舍利弗或有開士大士行智慧度無極住布施度無極見能嚴淨諸通道究竟竟真空從其興受而行恩德佛告舍利弗或有開士大士行智慧度無極住戒度無極具足嚴淨諸通道究竟空無信不信無起不起興立於誼求無所生佛告舍利弗或有開士行智慧度無

極住忍度無極具足嚴淨諸通道究竟竟真空興于忍辱無有瞋恨解知無本一切悉空佛告舍利弗或有開士大士行智慧度無極住精進度無極其足嚴淨諸通道究竟竟真空身意精進專于一誼所行精進無有諸漏興立此進佛告舍利弗或有開士大士行禪度無極住一心度無極具足嚴淨諸通道究竟竟真空其心不亂不舉不下不起不滅興立斯禪佛告舍利弗或有開士大士行智慧度無極住智慧度無極具足嚴淨諸通道究竟竟真空除邪見心勸發無智興無所與佛告舍利弗如是開士大士行智慧度無極住六度無極具足

嚴淨諸通道究竟竟真空來不來者若無去來興無所受不施不懼不戒不犯不忍不怒不進不怠不禪不亂不智不愚其所施者亦無所念亦無想念布施慳貪持戒犯禁忍辱瞋恚精進懈怠一心亂意智慧愚癡不念罵詈不念歌歎有爲亦不想念無起者無所瞋者

河

光贊三

四

無所罵者亦不想念有所言談亦不念有亦不念無佛言舍利弗是開士大士行智慧度無極名德之稱聲聞緣覺所不能及備斯德已教化衆生嚴淨佛土行廣大慈得諸通道慧佛告舍利弗開士大士智慧度無極常發等心向於衆生已能等心向於衆生則便獲致等於諸法已能獲致等諸法者則能得立等諸衆生一切諸法應時現在則爲佛世尊所見愛敬及諸開士一切聲聞緣覺所見欽奉然復在在所生處日未曾見不可之事耳不聞惡聲鼻不聞臭口無惡味身無羸堅心無邪法開士大士行智慧度無極能如是者

終不忘失無上正真之道佛說是智慧度無

極品時三百比丘悉修行者皆以瓔珞奉散

佛上發無上正真之道心佛爾時笑賢者阿難即從座起更整衣服右膝著地又手白佛何因緣笑既笑當有意佛告阿難此三百比丘六十一劫當得作佛号曰大英如來至真等

上覺明行成爲善逝無上士道法御天人師號佛衆祐於是歿沒當生阿閻如來至真等正覺國土六万欲行天當在彌勒佛世時出家爲沙門承佛聖旨於彼世時尋見千佛所行在於衆生八方上下亦復如是各見千佛及諸國土又復覩見此忍世界嚴淨無瑕如

河

光贊三

五

香

彼諸佛如來至真等正覺世界於彼万人各自發願吾等各興行意欲現在現在佛國時佛即知善男子心之所念即時復笑阿難長跪重問佛言何因緣笑笑必有意佛告阿難是見万人建立願不對曰唯然世尊告曰此万人於此壽終所生佛國未曾遠離諸佛如

來然後得佛号嚴淨如來至真等正覺也

光讚般若波羅蜜經歎等品第四

於是賢者舍利弗摩訶目犍連大迦葉此等及餘無數聖通明達比丘及諸菩薩摩訶薩清信士清信女悉白佛言唯然世尊如是行者爲是菩薩摩訶薩大度無極微妙波羅蜜

無能勝者最超波羅蜜無能超越者甚尊波羅蜜則而有持勢名波羅蜜無能及者無上波羅蜜無能過者無量波羅蜜無能過者是諸菩薩摩訶薩無倫波羅蜜所度無極無雙波羅蜜空度無限唯然世尊是諸菩薩摩訶薩已相爲空而度無極無想波羅蜜所度無念無願波羅蜜所度無著一切諸法空悉自然無所有故空波羅蜜自然空故一切德具足波羅蜜所度無極唯然世尊諸菩薩摩訶薩一切德備般若波羅蜜無能當者無所行波羅蜜謂菩薩摩訶薩波羅蜜也於是菩薩摩訶薩能等無等其所施與假能具足等無

等波羅蜜則能到已還等已能獲致等無等
至于阿耨多羅三耶三菩提波羅蜜能還致
等無等尸羅惟逮禪般若波羅蜜譬如菩薩
行檀波羅蜜應所當爲天中天不但有般若
波羅蜜便能獲致等於無等則於真法色痛
痒思想生死識若轉法輪等無所等過去佛

天中天當來現在諸佛悉行是般若波羅蜜
轉等於無等之法輪者是故出尊善薩摩訶
薩欲度一切諸法之表當行般若波羅蜜善
薩摩訶薩當爲作禮諸天人民阿須倫悉爲
行般若波羅蜜者稽首作禮佛即告是於無
鞅數諸聲聞菩薩摩訶薩如是如是善男子

六

河光賛三

當爲菩薩摩訶薩作禮諸天人民阿須倫若
有行般若波羅蜜者皆來歸命佛語舍利弗
若菩薩摩訶薩來現於世化現人間若在天
上現君子族姓梵志長者若現在轉輪聖王
四王天上忉利天鹽無天兜率天尼摩羅天
波羅尼蜜天上至阿迦臘吒天須陀洹斯陀

舍阿那舍阿羅漢現出世間辟支佛怛薩阿
竭阿羅呵三耶三佛現在世間佛言以是故
舍利弗菩薩摩訶薩而來現耳若能致獲飲
食衣服牀卧具屋宅燈火明月珠寶水精琉璃
璧玉金銀珊瑚虎珀車磲馬瑙以給衆生
佛語舍利弗不以是故出現世間以持斯語
救護世間使得安隱諸天人民所會伎樂皆
是菩薩摩訶薩懷來致現所以者何菩薩摩
訶薩設有所行修六波羅蜜者住六波羅蜜
欲勸衆生布施之故便自施與持戒忍辱精
進一心智慧亦復如是以勸群萌修般若波
羅蜜是故舍利弗菩薩摩訶薩安一切衆生
之類

光讚般若波羅蜜經授決品第五

於是世尊即出舌本覆三千大千世界從其
舌本出無鞅數光明之耀照於東方諸佛世
界應時東方江河沙等諸佛國土而無鞅數
不可計會諸善薩摩訶薩觀光明各各在其

河光賛三

七

三

佛土自往詣於諸佛世尊而問斯誼唯天中天是何威神而令此土光明普照於時其國諸如來衆各各告善薩摩訶薩善男子欲知此變西方去此江河沙等諸佛世界有佛土名曰忍界其佛号釋迦文怛薩阿竭阿羅呵三耶三佛出舌本光明照于東方江河沙等世尊世界普令照耀周及十方所以然者爲諸善薩摩訶薩講般若波羅密於時彼土菩薩摩訶薩各自啓佛唯然大聖我等欲往誓首歸命釋迦文如來及諸善薩摩訶薩并欲聽省般若波羅密其佛告曰善男子從仁擇時如爾所欲時諸善薩啓佛見聽各各自取衆蓋幢幡香華敷飾雜香搗香金華銀華徃詣釋迦文怛薩阿竭阿羅呵三耶三佛誓首佛足各以所賣衆蓋幢幡香華敷飾雜香搗香金華銀華用散佛上及諸善薩諸聲聞上八方上下亦無鞅數不可計會諸善薩摩訶薩各各自於其國啓白世尊此之威曜何

所從來諸佛告曰有佛号名釋迦文尼怛薩阿竭阿羅呵三耶三佛出舌本光明之德各照十方江河沙等諸佛國土是其威曜時諸菩薩各啓其佛欲往誓首釋迦文見諸菩薩諸佛告曰徃族姓子從仁擇時如志所欲諸菩薩衆各賣供養徃詣釋迦文怛薩阿竭阿羅呵三耶三佛誓首作禮進上所賣却坐一面聽佛所說於時四大天王上諸天人忉利天監天兜率天尼摩羅天波羅尼密天上至阿迦膩吒天各賣天華天香天搗香天雜香青蓮華紅蓮華黃蓮華白蓮華皆以天上微妙香華各各執持徃詣佛所於時諸天上及

諸善薩各各賣持香華雜香搗香各各供養奉散如來至真等正覺上於時所散華香上在虛空化爲宮殿在於四方而於虛空中向于四面微妙分光明皆以衆寶人所悅樂於衆會億百千妓皆共義手自歸命佛而問世尊唯天中天我等之身當來之出願得法利亦

復如是如怛薩阿竭阿羅呵三耶三佛諸聲聞衆亦當如是爲諸會者講說經法如今所演尔時世尊知善男子心之所念覩一切法永無所起亦無所行一切諸法無所逮得見心所忍佛應時笑賢者阿難前白佛言佛何因笑笑當有意佛告阿難今此衆會億百千

垓人皆采逮得不起法忍過於當來六十八億劫當得作佛号曰覺華怛薩阿竭阿羅呵三耶三佛明行成爲善逝世間解無上士道法御天人師号佛世尊劫名華事世界曰華嚴

光讚般若波羅蜜經分別空品第六

尔時佛告賢者須菩提豈能堪任爲諸菩薩摩訶薩緣發般若波羅蜜菩薩摩訶薩因此得生於是諸菩薩摩訶薩衆聲聞及天人各心念言今須菩提自以辯才爲諸菩薩摩訶薩說般若波羅蜜半承佛聖旨說耶又須菩提知諸菩薩摩訶薩衆大聲聞諸天人心之

所念謂賢者舍利弗敢佛弟子有所說者分別光耀一切皆乘如來威德怛薩阿竭所可說法彼一切法於本無諍諸善男子當學斯法則證其法學者皆順如來慧證境界諸菩薩摩訶薩說般若波羅蜜非聲聞辟支佛之境界所以者何說法得時莫不喜悅舍利弗

何

光讚二

九

秀

謂須菩提斯謂菩薩時須菩提白世尊曰所謂菩薩者天中天何謂菩薩於此法中何因有菩薩之言我亦不見菩薩之法何謂菩薩唯天中天我求不見般若波羅蜜及於菩薩當云何說菩薩摩訶薩般若波羅蜜當以何誼爲諸菩薩講般若波羅蜜而聞導乎佛告賢者須菩提所謂般若波羅蜜及菩薩者但假號耳其名無名其名不在於內不於在外不處兩間譬如須菩提所見人者但假託號彼亦無名其法不起不滅因緣和合隨俗所名但音聲言及我人壽命蚊行喘息蜎飛蠕動衆生之類所作所造所興勸助所見所覩

所知所觀一切皆爲假號之法一切不起不滅諸天人民所可言誨亦復如是如此須菩提計般若波羅蜜及菩薩名悉爲假號皆不起不滅至于天中天所可言名等無有異譬如須菩提於內所有與我色斯亦假名法爲假託作斯字也其假號法不起不滅欲得了此因緣之合有言聲耳痛痒思想生死識法爲假号其法所名不起不滅若以因緣假託之現而有言聲如是須菩提所謂般若波羅蜜有言菩薩及菩薩名但所託者其法不起不滅所謂菩薩般若波羅蜜及菩薩名悉無他猗因緣猗号而有斯言眼則慌忽虛寂至于假號法爲託字亦皆不起不滅因緣假號而有言聲所謂眼空其眼無內無外不處兩間耳鼻舌身意亦復如是法爲假託其法不起不滅因緣合名而有言聲其号心者心不在內亦不在外不處兩間所謂色者須菩提法所假号不起不滅亦無内外不處兩間

其眼界者亦爲假號因法託名其曰眼界色界眼識界耳界聲界耳識界鼻界香界鼻識界舌界味界舌識界身界細滑界身識界意界念界意識界法爲假號而有言聲其法無內無外不處兩間如是須菩提謂菩薩及般若波羅蜜因法假號其号不起不滅猗託河光贊三

爲名而有言聲般若波羅蜜菩薩字其名無內無外不處兩間譬如須菩提所謂其內是我身因字頭首其名但言聲又復名頸項五陰兩臂背齊脅肋兩臍兩脚但假號耳託首聲言因緣法爲號計其法者不起不滅計此所有悉爲假託而立言聲計其名者不起不滅無內無外不處兩間如須菩提般若波羅蜜菩薩名者皆爲假號其法不起不滅盡爲假託而有言聲其名亦不起不滅無內無外不處兩間譬如須菩提於此外有草木枝葉華實計此一切悉爲假號而有言聲其名無名其名不起不滅假託爲名而有言聲計其

名者無內無外不處兩間如是須菩提般若波羅蜜及菩薩字一切皆因法假號其法不起不滅其名無內無外不處兩間譬言如須菩提過去諸佛世尊皆共假傳其号當來現在亦復如是譬如須菩提呼聲之響又如鏡像幻化野馬如來解說一切諸法皆猶如化但

假有号其号不起不滅倚託爲名而有言聲其名無內無外不處兩間如是須菩提所謂菩薩般若波羅蜜但假号耳其号不起不滅無內無外不處兩間如是須菩提所謂菩薩摩訶薩般若波羅蜜因緣合會而假虛号所

河

光讚三

十一

號善權所号法皆假託耳當作是學行般若波羅蜜不住名色亦無所見不住痛痒思想生死識不住於名不覩名色不常不見名色安樂不見名色苦惱不見名色而有內者不見名色而有外者不見名色而有空者不見名色無想之變不見名色無願之事不見名色而寂寢者不見名色而恍忽者不見名色

而有欲塵不見名色而諍訟者不見名色而有起者不見名色而有滅者痛痒思想生死識亦復如是眼界色界眼識界耳界聲界耳識界鼻界香界鼻識界舌界味界舌識界身界細滑界身識界意界法界意識界一身亦因緣合成而爲假号有是五陰所以者何菩薩摩訶薩行般若波羅蜜及菩薩行並於名号不有不無不處有爲界不處無爲界亦無所見所以者何須菩提菩薩摩訶薩行般若波羅蜜於一切法無所想念無應不應亦不想念行般若波羅蜜處無想法行諸意止修般若波羅蜜亦不見般若波羅蜜不見般若波羅蜜名亦不見菩薩號亦不見十種力四無所畏四分別辯十八不共諸佛之法行般若波羅蜜時不見般若波羅蜜亦不見般若波羅蜜名亦不見菩薩亦不見菩薩名誰見菩薩行般若波羅蜜菩薩摩訶薩曉了分別諸法之本諸法相者計諸法本諸法相者

亦無所著亦無諍訟如是須菩提菩薩摩訶薩行般若波羅蜜不因猗名爲法造号其於佛道亦緣号不爲假託悉曉了之不猗於色不猗痛痒思想生死識不猗於眼耳鼻舌身意亦不猗眼色識不猗耳聲識不猗鼻香識不猗舌味識不猗身細滑識不猗意法識不猗眼習五陰之事而無所猗不起痛痒無苦無樂無不苦不樂乃至意識所習因緣則有猗亦不猗著於有爲界亦不猗著於無爲界亦不猗著檀波羅蜜亦不猗著尸波羅蜜亦不猗著羼波羅蜜亦不猗著惟逮波羅蜜亦

何

光贊三

十三

秀

不猗著禪波羅蜜亦不猗著般若波羅蜜亦不猗著相亦不猗著菩薩之身亦不猗著於肉眼亦不猗著天眼慧眼法眼佛眼亦不猗著慧度無極亦不猗著神通之意所度無極亦不猗著內外亦不猗著處于兩間亦不猗著於內之空亦不猗著於外之空亦不猗著

何

光贊三

十三

秀

本便當供養諸佛世尊稽首歸命則逮自然無量之德親近諸佛便得從聞所說經典已逮聞法未曾斷絕逮得阿耨多羅三耶三菩提阿惟三佛獲摠持門諸三昧門如是須菩提菩薩摩訶薩行般若波羅蜜行分別曉了一切諸法因緣假号於須菩提意云何色爲菩

無形之緣亦不猗著自然之空亦不猗著開化衆生亦不猗著佛土嚴淨亦不猗著惪和拘舍羅所以者何用一切法悉無所有故當所著者亦無所著亦無所有當可持者如是須菩提菩薩摩訶薩於一切法而無所著爲行般若波羅蜜檀波羅蜜尸波羅蜜羼波羅蜜惟逮波羅蜜禪波羅蜜般若波羅蜜便生長益入于寂然得菩薩道入阿惟越致神通具足神通以具則遊佛國教化衆生已化衆生則便供養諸佛世尊則能嚴淨諸佛國土已能嚴淨諸佛國二諸佛世尊皆覩見於時菩薩亦復遙見諸佛大聖亦欲逮得功德善

薩乎痛痒思想生死識爲菩薩乎須菩提答曰不也天中天云何須菩提眼爲菩薩乎耳鼻舌身意爲菩薩乎答曰不也天中天色聲香味細滑法爲菩薩乎答曰不也天中天又問於須菩提意云何眼色識爲菩薩乎耳聲識鼻香識舌味識身細滑識意法識爲菩薩

乎答曰不也天中天於菩提及意云何地種爲菩薩乎答曰不也天中天水種火種風種空種識種爲菩薩乎答曰不也天中天於須菩提意云何無明爲菩薩乎答曰不也天中天識名色六入所習愛痛受有生老病死爲菩薩乎答曰不也天中天於須菩提意云何

寧有異色爲菩薩乎答曰不也天中天寧有異痛痒思想生死識爲菩薩乎答曰不也天中天寧有異眼耳鼻舌身意爲菩薩乎答曰不也天中天寧有異色聲香味細滑法爲菩薩乎答曰不也天中天寧有異眼色識耳聲識鼻香識舌味識身細滑識意法識爲菩薩

乎答曰不也天中天寧有異十二因緣從無明至病老死爲菩薩乎答曰不也天中天於須菩提意云何色無本爲菩薩乎答曰不也天中天五陰六衰十八種四大十二因緣無本爲菩薩乎答曰不也天中天於須菩提意云何寧有異無本爲菩薩乎答曰不也天中天佛告須菩提於須菩提意解何等證以何等觀察而答佛言色非菩薩痛痒思想生死識非菩薩六衰十八種四大十二因緣從無明至老病死非菩薩其無本者謂非菩薩若異無本亦非菩薩須菩提白佛言唯天中天吾我人壽亦不可得云何當名爲菩薩者云何名五陰六衰十八種四大十二因緣終始之患爲菩薩耶云何名異色異痛痒思想生死識爲菩薩耶云何名異六衰十八種四大十二因緣爲菩薩耶云何名無本之事爲菩薩耶云何名異無本爲菩薩耶斯無處所佛言善哉善哉須菩提菩薩摩訶薩學般若波羅蜜經

何

卷三

古

秀

羅蜜當觀衆生人物無所有不可得般若波羅蜜亦無所有不可得菩薩當作是學於須菩提意云何口言色者爲菩薩乎答曰不也天中天口言痛痒思想生死識爲菩薩乎答曰不也天中天計色常計痛痒思想生死識常爲菩薩乎答曰不也天中天於須菩提意云何計色無常計痛痒思想生死識無常爲菩薩乎答曰不也天中天於須菩提意云何口言色樂痛痒思想生死識樂爲菩薩乎答曰不也天中天於須菩提意云何口言色苦痛痒思想生死識苦爲菩薩乎答曰不也天中天於須菩提意云何口言色是我所痛痒思想生死識是我所爲菩薩乎答曰不也天中天於須菩提意云何口言色非我所痛痒思想生死識非我所爲菩薩耶答曰不也天中天於須菩提意云何口言色空痛痒思想生死識空爲菩薩乎答曰不也天中天於須菩提意云何口言色無想痛痒思想生死識

無想爲菩薩乎答曰不也天中天於須菩提意云何口言色無願痛痒思想生死識無願爲菩薩乎答曰不也天中天於須菩提意云何口言色不空無想無願不空痛痒思想生死識不空不無想不無願爲菩薩乎答曰不也天中天於須菩提意云何五陰六衰十八種四天十二因緣無所有爲菩薩乎答曰不也天中天佛告須菩提仁見何誼而反云口所說言五陰六衰十八種四大十二因緣終始之患苦樂善惡空無想無願有與無悉非菩薩須菩提白佛言唯天中天究竟求色了不可得何況甫復口言色者爲菩薩乎痛痒思想生死識亦尔究竟求常而不可得何況無常而可得當爲菩薩乎究竟苦樂而不可得何況口言苦樂爲菩薩乎究竟索是我所不可得何況口言我非我爲菩薩乎色痛痒思想生死識亦復然究竟所有色不可得何況口言色空爲菩薩乎痛痒思想生死識亦

光讚三十五

復然究竟求想不可得何況口言色無想爲菩薩乎痛痒思想生死識亦復如是究竟求願不可得何況口言色無願爲菩薩乎痛痒思想生死識亦復如是佛言善哉善哉須菩提菩薩摩訶薩欲學般若波羅蜜當作是學口所言色不可得者稱痒思想生死識者空

無想無願不得者則爲學般若波羅蜜向者須菩提所言我於法中未不覩見爲菩薩者須菩提欲知法不可見法法不可見法界法界不見法色界痛痒思想生死識亦然色界不見法界法界不見色界眼界不見法界法界不見眼界耳鼻口身意亦復如是意界不見法界法界不見意界十八種界不見法界法界不見十八種界有爲界不見無爲界無爲界不見有爲界有爲界者亦不可兩無爲界者亦不可名無爲者不可兩有爲者亦不可名如是須菩提行般若波羅蜜能如是者於一切法求無所見已無所見不恐不畏不

難不懼心不怯弱亦無所恨所以者何須菩提已不見色痛痒思想生死識不見眼耳鼻口身意不見色聲香味細滑法不見色欲至于法欲亦無所見不見貪怒癡不見無明至于行識名色六入所更痛愛受有生老病死亦無所見不見吾我不見人壽命不見欲界秀

十六

不見色界不見無色界不見聲聞辟支佛不見菩薩法亦不見佛亦不見法不見菩薩衆已不見一切法不恐不畏不難不懼心不怯弱須菩提白佛言唯然世尊何因菩薩摩訶薩心不怯弱而無所著佛告須菩提菩薩摩訶薩不得心所念法亦無所見是故菩薩摩訶薩心不怯弱亦無所著須菩提白佛言云何菩薩摩訶薩而不恐怖佛告須菩提菩薩不得心畏亦無所見是故菩薩摩訶薩而不恐怖須菩提曰佛言云何菩薩摩訶薩於一切法而無所得行般若波羅蜜乎佛告須菩提菩薩摩訶薩一切所行般若波羅蜜彼亦

不得般若波羅蜜亦復不得菩薩之心其是爲今設菩薩之爲勑命

光讚般若波羅蜜經卷第三 河三

光讚般若經卷第四

西晉三歲法師竺法護譯

河四

光讚般若波羅蜜了空品第七

於是須菩提白佛言菩薩摩訶薩欲具足檀波羅蜜當學般若波羅蜜欲具足尸波羅蜜羼泥波羅蜜惟遠波羅蜜禪波羅蜜當學般若波羅蜜菩薩摩訶薩欲蠲除色者當學般若波羅蜜欲除痛痒思想生死識者當學般若波羅蜜欲除眼耳鼻口身意者當學般若波羅蜜欲除色聲香味細滑法當學般若波羅蜜欲除眼色識耳聲識鼻香識口味識身細滑識意法識當學般若波羅蜜欲除眼更耳

更鼻口身意更當學般若波羅蜜欲除色更痛痒思想生死識更因緣之習當學般若波羅蜜菩薩摩訶薩欲除貪淫瞋恚愚癡當學般若波羅蜜欲除貪身見已當學般若波羅蜜菩薩摩訶薩欲除狐疑犯戒當學般若波羅蜜欲除所欲諸著色欲無色欲當學般若波羅蜜欲除因緣會縛結之著所受之處當學般若波羅蜜欲除四果須陀洹斯陀含阿那含阿羅漢當學般若波羅蜜菩薩摩訶薩欲除四夏四著及四歎受四顛倒當學般若波羅蜜欲除五蓋六入七識八邪九臘十惡罪福之業當學般若波羅蜜菩薩摩訶薩欲除十善四禪四諦五神通欲除四意止四意斷四神足五根五力七覺意八由行當學般若波羅蜜菩薩摩訶薩欲除十種力四無所畏四分別辯四等心四無色定一切諸意止十八不共諸佛之法當學般若波羅蜜菩薩摩訶薩欲了覺意三昧正受當